



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU BOŠNJAČKE SELJAČKE STRANKE

Broj: 03-07-6-788/11
Sarajevo, 21. oktobar 2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bošnjačke seljačke stranke za 2010. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Bošnjačka seljačka stranka nije postupila u skladu sa odredbama člana 11. stav (1) i (3) Zakona o finansiranju političkih stranaka.

Stranka u svojim poslovnim knjigama nije uspostavila potpune evidencije o svim prihodima i rashodima, finansijski izvještaj je podnijela nakon isteka zakonom propisanog roka i izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornjih napomena nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bošnjačke seljačke stranke za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2010. godinu Bošnjačka seljačka stranka je iskazala prihod u iznosu od 1.200,00 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	1.200,00	100,00%
7	Prihodi iz budžeta	0,00	0,00%
	Ukupni prihodi:	1.200,00	100,00%

Prema podacima iz godišnjeg finansijskog izvještaja Bošnjačka seljačka stranka nije ostvarila nikakve rashode.

2. PREDSTAVLJANJE POLITIČKE STRANKE

Naziv političke stranke je Bošnjačka seljačka stranka. Skraćeni naziv stranke je BSS. Stranka je registrovana 18.01.2008. godine u Osnovnom sudu u Brčko Distriktu BiH pod brojem 096-0-Dps-07-000002.

Sjedište Bošnjačke seljačke stranke je u Brčko distriktu BiH, ulica Brka bb.

Lice ovlašteno za zastupanje stranke je Mirsad Mujkanović, predsjednik stranke.

Lice ovlašteno za podnošenje finansijskih izvještaja za 2010. godinu je Ibrahim Tursunović.

Prema podacima iz finansijskog izvještaja, Bošnjačka seljačka stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bošnjačke seljačke stranke za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa ovim Zakonom.

Obim pregleda i kontrole finansijskih izvještaja Bošnjačke seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Služba za reviziju je obavila pregled godišnjeg finansijskog izvještaja Bošnjačke seljačke stranke za 2008. i 2009. godinu, nakon kojih su izdati izvještaji o pregledu sa nalazima revizije. Nakon pregleda izvještaja za 2008. godinu, stranci su date preporuke da treba postupati u skladu sa odredbama člana 6. i člana 11. stav (3) Zakona o finansiranju političkih stranaka.

Kontrolom izvještaja za 2009. godinu nisu utvrđena kršenja Zakona o finansiranju političkih stranaka

5. NALAZI I PREPORUKE

5.1. NALAZI

Bošnjačka seljačka stranka je prekršila odredbe 11. stav (1) i (3) Zakona o finansiranju političkih stranaka.¹

- Godišnji finansijski izvještaj za 2010. godinu stranka je podnijela 03.06.2011. godine, odnosno nakon isteka roka koji je propisan Zakonom o finansiranju političkih stranaka.
- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka.

U finansijskom izvještaju Bošnjačka seljačka stranka nije iskazala troškove zakupnine u iznosu od 1.200,00 KM. U skladu sa odredbama člana 21. Pravilnika o godišnjim finansijskim izvještajima političkih stranaka, na obrascu 4-1 finansijskog izvještaja politička stranka je obavezna iskazati sve troškove i to: vrstu troška, konto i iznos troška.

Samim time što je stranka koristila poslovni prostor bez plaćanja zakupnine, stranka osim što je ostvarila nenovčanu donaciju, imala je i trošak zakupnine, koji je bila obavezna iskazati u finansijskom izvještaju koji je podnijela Centralnoj izbornoj komisiji BiH.

¹ Političke stranke su obavezne da vode evidenciju o svojim prihodima i rashodima i da za svaku kalendarsku godinu podnesu finansijski izvještaj do 31.03. naredne godine u formi koju je odobrila Centralna izborna komisija BiH. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka («Službeni glasnik BiH» broj 61/06).

- Bošnjačka seljačka stranka u svojim poslovnim knjigama nije evidentirala prihod u iznosu od 1.200,00 KM od nenovčane donacije fizičkog lica, koje je stranci dodijelilo poslovni prostor na korištenje bez naknade, niti je evidentirala trošak zakupnine. Time što nije uspostavila evidenciju o svim prihodima i rashodima, stranka je prekršila odredbu člana 11. stav (1) Zakona o finansiranju političkih stranaka

5.2. PREPORUKE

Preporučuje se Bošnjačkoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi potpune evidencije o svojim prihodima i rashodima i*
- *da finansijske izvještaje Centralnoj izbornoj komisiji BiH podnosi u skladu sa odredbama člana 11. stav (3) Zakona o finansiranju političkih stranaka, odnosno u zakonom propisanom roku i u formi propisanoj Pravilnikom o godišnjim finansijskim izvještajima političkih stranaka.*

Komentar

Bošnjačka seljačka stranka se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2010. godinu koji joj je dostavljen 19.09.2011. godine.

Mr. Hasida Gušić, šef Službe za reviziju